



Nermina Kravić

Doc. dr sc. med.

Bosna i Hercegovina

Neuropsihijatar, subspecijalista dječije i adolescentne psihijatrije i psihoterapije, grupni analitičar, zaposlena je na Klinici za psihijatriju Univerzitetskog kliničkog centra Tuzla gdje je šef je Odjeljenja za dječiju i adolescentnu psihijatriju.

Rođena je 1968. godine u Tuzli gdje se školovala, te 1993. godine stekla zvanje doktor medicine na Medicinskom fakultetu Univerziteta u Tuzli. Magistarski rad na temu „Utjecaj ratnih traumatskih iskustava preživljenih u djetinjstvu na psihičko zdravlje u adolescenciji“ odbranila je 2008. godine na Medicinskom Fakultetu Univerziteta u Tuzli, gdje je 2014. godine stekla i zvanje doktora medicinskih nauka odbranom teme „Rizični i protektivni faktori za mentalno zdravlje djece čiji su očevi poginuli u ratu“. Mentor u izradi magisterija i doktorata bio je prof. dr. med. sc. Izet Pajević.

U organizaciji Instituta za grupnu analizu iz Zagreba završila je petogodišnju izobrazbu iz grupne analize i stekla zvanje grupnog analitičara 2011. godine. Stručni poslijediplomski studij iz dječije i adolescentne psihijatrije pohađala je na Medicinskom fakultetu Univerziteta u Zagrebu i uspješno položila sve predviđene ispite, te stekla zvanje subspecijaliste iz dječije i adolescentne psihijatrije i psihoterapije. U saradnji sa Udruženjem EMDR Velike Britanije i Sjeverne Irske (HAP-Human Assistance Program) završila je tri nivoa izobrazbe iz bilateralne desenzitizacije EMDR, na edukacijama održanim u Manchester-u, Londonu i Birmingham-u. Imala je veći broj edukacija iz oblasti dječije i adolescentne psihijatrije, od kojih se ističu Donald Cohen Fellowship program i Fondazione Child koje su održane u Firenci (Italija). Učestvovala je u više međunarodnih projekata saradnje sa univerzitetima u Norveškoj (Oslo, Trumso), Njemačkoj (Wuerzburg, Berlin), Švicarskoj (Basel) i SAD (Missouri), gdje je boravila u studijskim posjetama i prezentirala naučne radove. Redovito učestvuje na domaćim i međunarodnim kongresima.

Na Medicinskom fakultetu Univerziteta u Tuzli radi od 2004. godine i trenutno je u zvanju docenta odgovorni nastavnik na predmetu „Psihijatrija sa zdravstvenom njegom psihijatrijskih bolesnika“. Objavila je više naučnih i stručnih radova i publikacija u domaćim i međunarodnim časopisima.

Sekretar je Udruženja za dječiju i adolescentnu psihijatriju u BiH. Aktivno govori engleski jezik i služi se talijanskim jezikom.